

Fundur aðalstjórnar með formönnum deilda og sviðsstjóra skóla- og tómstundasviðs Ísafjarðarbæjar

Fundur haldinn þriðjudaginn 17. ágúst 2021 kl. 20:00 í Safnahúsinu, Ísafirði.

Mætt frá aðalstjórn: Guðfinna Hreiðarsdóttir og Sólrún Geirsdóttir

Mætt frá deildum: Heiða Aðalbjargar og Sigurður A. Jónsson (hjólreiðadeild); Tinna Hrund Hlynsdóttir og Samúel Samúelsson (knattspyrnudeild); Ingi Björn Guðnason og Þórir Guðmundsson (körfuknattleiksdeild), Sigurður Hreinsson (blakdeild).

Mætt frá Ísafjarðarbæ: Hafdís Gunnarsdóttir sviðsstjóri skóla- og tómstundasviðs Ísafjarðarbæjar.

Samskipti íþróttahreyfingarinnar og sveitarfélagsins: Formaður aðalstjórnar Vestra boðaði til þessa fundar til að ræða samskipti Vestra við Ísafjarðarbæ og þau mál sem heyra undir íþrótt- og tómstundaráð, einkum um uppbyggingarsamninga og verkefnasamninga.

Hafdís Gunnarsdóttir, sviðsstjóri skóla- og tómstundasviðs Ísafjarðarbæjar, fór yfir verklag í samskiptum íþróttahreyfingarinnar og sveitarfélagsins en þau eiga að vera í gegnum HSV, sem gegnir hlutverki regnhlífarsamtaka íþróttahreyfingarinnar í sveitarfélaginu. Sviðsstjórinn fundar vikulega með framkvæmdastjóra HSV og fara þeir þá yfir þau mál sem fyrir liggja og stilla saman strengi. Nýlega var nýr framkvæmdastjóri ráðinn hjá HSV, Dagný Finnbjörnsdóttir, og óskar félagið henni til hamingju með starfið og óskar henni velfarnaðar í sínum störfum fyrir íþróttahreyfinguna.

Sviðsstjóri ræddi fjárhagsáætlunarvinnu sem fer fram í lok september og vonast hún til þess að uppbyggingarsamningarnir komi aftur inn á fjárhagsáætlun en Ísafjarðarbær felldi þá einhliða niður þetta árið. Hún segir ennfremur mikilvægt að íþróttahreyfingin standi saman og sé sammála um þau verkefni sem horfa á til við gerð fjárhagsáætlunar. Samstarfssamningur og fjárhagsáætlun þurfa að vera í takt. HSV hefur það hlutverk að jafna aðgengi íþróttafélaga að stjórnsýslunni en valdið liggur samt hjá stjórn HSV.

Sviðsstjóri fékk ýmsar fyrirspurnir og ábendingar frá fundarmönnum:

- Skilvirknin í stjórnsýslunni er ekki nógu mikil í dag – þegar Vestri þarf að fara með öll sín mál í gegnum framkvæmdastjóra HSV. Rætt var um hvort ekki væri betra að framkvæmdarstjórinn væri staðsettur inni á bæjarskrifstofu. Gæti verið skilvirkara – auðveldara aðgengi að stjórnsýslunni.
- Þá var rætt um nauðsyn þess að endurskoða verkefnasamningana sem komnir eru til ára sinna. Það þarf að skýra verkferlana betur, hver á að gera hvað og hvernig er greitt fyrir það. Koma þarf hjóladeildinni inn í verkefnasamningana – gætu t.d. tekið að sér að hugsa um hjólabrautir og halda þeim við. Deildin hefur fengið mikið hól frá gestum, sem komið hafa hingað á mót, fyrir aðstöðuna. Rætt var um aðstöðu hjóladeildarinnar á Grænagarði en deildin hefur ekki fengið skýr svör frá bænum og getur ekki sótt um styrki til framkvæmda vegna óvissunnar.
- Uppbyggingaráætlun - það sem liggur helst á Vestra er knattspyrnuhúsið. Íþróttahúsið er löngu sprungið og ljóst að knattspyrnuhús myndi létta álagið á því. Því miður virðist ekkert vera að gerast.
- Torfnesevndin – skipulagið á Torfnesi. Komið til arkitekts – sem Torfnesevndin fær svo til baka.

- Rætt um að fjölga þurfi búningsklefum á Torfnesi – skipta stóru klefunum í tvennt. Mikilvægt er að gera ráð fyrir starfsmanni á útisvæði, hafa íþróttahúsið opið á sumrin og gera nýjan körfuboltavöll.
- Þjálfarar meistaraflokka þurfa að geta farið inn í íþróttahús þótt ekki sé starfsmaður á staðnum. T.d. bara nota salinn – ekki búningsklefana/sturturnar. Þetta snýst um traust og ætti að vera hægt að útfæra þannig að bærinn myndi spara.
- Rætt var um mikilvægi þess að Vestri geti ráðið starfsmann sem vinnur fyrir félagið. Kröfurnar um þjónustu og faglegt starf eykst á sama tíma og erfiðara verður að fá fólk í stjórnarstöður.
- Víða tíðkast að íþróttafélögin reki íþróttamannvirki þótt sveitarfélögin eigi þau.
- Rætt um að stöðugt verði erfiðara að fá sjálfbóðaliða til starfa við íþróttahreyfinguna, bæði til stjórnarstarfa og annarra verkefna. Mikilvægt að fólk finni að það sem gert er sé metið að verðleikum.

Hafdísi Gunnarsdóttur færðar þakkir fyrir komuna og fór hún af fundi um kl. 18.30.

Vallarhúsið: Rætt um nýtingu á efri hæð Vallarhússins. Hugmynd að setja upp lykklabox með lykklum að útidyrnum á efri hæðinni. Þá þarf að klára að útbúa aðstöðuna uppi svo hægt verði að nýta húsið ennþá meira.

Sjálfstyrkingarnámskeið: Körfuknattleiksdeildin ætlar að standa fyrir sjálfstyrkingarnámskeiði og fá næringarfræðing til að halda fyrirlestur fyrir iðkendur. Mætti nýta fyrir allar deildir og sækja um styrki. Spurning hvort hægt sé að fá starfsmann HSV til að vinna að undirbúningi.

Fleira ekki rætt og fundi slitið kl. 19.10

Fundarritari: Sólrún Geirsdóttir